



Broj: 01-2-5031/16  
Sarajevo, 13.12.2016. godine

**MEDIJIMA**

**Predmet:** *Saopštenje za javnost*

**Agencija za bankarstvo F BiH i Agencija za bankarstvo RS potpisale Memorandum o razumijevanju sa Saveznim finansijskim nadzornim organom („BaFin“) Njemačke**

Agencija za bankarstvo F BiH zajedno sa Agencijom za bankarstvo RS je potpisala Memorandum o razumijevanju sa Saveznim finansijskim nadzornim organom („BaFin“) Njemačke, koji je od izuzetnog značaja za cjelokupni bankarski sistem naše zemlje i pojedinačne banke u većinskom vlasništvu Njemačke. Potpisivanje je upriličeno dana 13.decembra 2016.godine u sjedištu „BaFin-a“ u Frankfurtu.

Prema Memorandumu, nadležne institucije izražavaju spremnost da sarađuju na osnovu reciprociteta, kao i uzajamnog povjerenja i razumijevanja i pristaju na to da svoju saradnju u oblasti nadzora ovlaštenih institucija zasnivaju na principima i procedurama navedenim u Memorandumu o razumijevanju, kako bi se olakšalo obavljanje odgovarajućih dužnosti nadležnih organa i kako bi se promovisalo adekvatno funkcionisanje ovlaštenih institucija u Bosni i Hercegovini i/ili u Njemačkoj, u skladu sa zakonodavstvom ove dvije zemlje.

Napominjemo, pored ovog Memoranduma Agencija za bankarstvo F BiH je potpisala i brojne druge memorandume, što sa domaćim što sa međunarodnim institucijama i svaki potpisani memorandum doprinosi uspostavi bolje koordinacije između država gdje je sjedište bankarskih grupacija (home) i država u kojem te bankarske grupacije posluju (host) te doprinosi stabilnosti i sigurnosti bankarskog sistema naše zemlje.

URED ZA INFORMIRANJE FBA